

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
MINISTARSTVO ZA PRIVREDU**

Broj: 04-14-5992-12/18

Zenica, 10.09.2018. godine

**PREDMET: Poziv za dostavljanje ponuda za javnu nabavku usluga**

obrazovanja i stručnog usavršavanja javnih tijela sa područja Zeničko-dobojskog kantona za primjenu modela javno-privatnog partnerstva (JPP), a u skladu sa Pravilnikom o postupku dodjele ugovora o uslugama iz aneksa II dio B Zakona o javnim nabavkama („Službeni glasnik BiH”, broj 104/14 i broj 66/16)

Na osnovu člana 8. Zakona o javnim nabavkama Bosne i Hercegovine (“Službeni glasnik BiH” broj 39/14; u daljem tekstu Zakon), odredaba Pravilnika o postupku dodjele ugovora o uslugama iz Aneksa II dio B Zakona o javnim nabavkama (“Službeni glasnik BiH” broj 104/14 i broj 66/16), pozivamo vas da dostavite ponudu u okviru poziva za dostavljanje ponuda za javnu nabavku usluga obrazovanja i stručnog usavršavanja javnih tijela sa područja Zeničko-dobojskog kantona za primjenu modela javno-privatnog partnerstva. Postupak će biti proveden u skladu sa Zakonom, podzakonskim aktima i ovim pozivom.

**1. OPĆI PODACI**

**1.1. Podaci o ugovornom organu**

Naziv: Ministarstvo za privredu Zeničko-dobojskog kantona

Adresa: Kučukovići 2, 72000 Zenica

JIB: 4218341900000

Telefon: + 387 32 460 720

Faks: + 387 32 460 722

Web: [www.zdk.ba](http://www.zdk.ba)

**1.2. Podaci o kontakt osobi**

Ime i prezime: Osman Buza

Telefon: + 387 32 460 732

Faks: + 387 32 460 722

Mail: [osman.buza@zdk.ba](mailto:osman.buza@zdk.ba)

U trenutku pokretanja ovog postupka javne nabavke ne postoje privredni subjekti s kojima je ovaj organ u sukobu interesa i sa kojima ne može zaključivati ugovore o predmetnoj nabavci u smislu člana 52. Zakona.

**2. PODACI O POSTUPKU JAVNE NABAVKE**

Postupak predmetne javne nabavke odobren je i pokrenut Odlukom o pokretanju postupka nabavke usluga u skladu sa Pravilnikom o postupku dodjele ugovora o uslugama iz aneksa II dio B Zakona o javnim nabavkama („Službeni glasnik BiH”, broj 104/14 i broj 66/16) broj 04-14-5992-1/17. od , 23.04.2018. godine

Postupak se provodi u svrhu dodjele Ugovora o pružanju usluga obrazovanja i stručnog usavršavanja kadrova, a na koji se primjenjuje poseban režim u skladu sa članom 8. stav (1) i (2) Zakona o javnim nabavkama („Službeni glasnik BiH”, broj 39/14) – u daljem tekstu: Zakon.

Usluge koje su predmet javnog poziva prema Aneksu II Zakona klasificirane su kao Aneks II dio B, kategorija 8 „Obrazovne usluge i usluge stručnog usavršavanja ” JRJN: 80000000-4- usluge obrazovanja i osposobljavanja.

Poziv za dostavljanje ponuda ne predviđa podjelu na LOT- ove s obzirom da se radi o cjelovitom, uzajamno povezanom modularnom programu obuke, koji će od početka do kraja biti usmjeren na jednu ciljnu grupu od maksimalno 30 polaznika.

### 3. PODACI O PREDMETU JAVNE NABAVKE

Strategija razvoja Zeničko-dobojskog kantona do 2020. godine se zasniva na konceptu održivog razvoja, koji se ostvaruje kroz četiri strateška cilja (str.43):

1. Podrška razvoju elektro-energetskog sektora i industrija baziranih na elektro-energetskim potencijalima
2. Razvoj diverzificirane, vitalne i konkurentne regionalne ekonomije
3. Unapređenje kvaliteta življenja
4. Izgradnja sistema upravljanja prirodnim i kulturnim resursima

U skladu sa datim strateškim okvirom, naročito u svrhu ispunjavanja Prioritetnog cilja 3.2. (Razvoj regionalne infrastrukture na osnovu potreba lokalnih zajednica) i Prioritetnog cilja 4.1 (Osiguravanje održivog sistema upravljanja prirodnim resursima), a na inicijativu jedinica lokalne samouprave, Zeničko-dobojski kanton je u periodu 2015-2017. godine, uz podršku Američke agencije za međunarodni razvoj (USAID), donio novi regulatorno-pravni okvir o javno-privatnom partnerstvu (JPP):

- Zakon o javno-privatnom partnerstvu (Službene novine Zeničko-dobojskog kantona 06/16), i
- Uredba o identifikaciji, pripremi, ugovaranju i praćenju implementacije projekata JPP (Službene novine Zeničko-dobojskog kantona 03/17).

JPP je pomenutim zakonskim okvirom postavljen kao model javne nabavke koji omogućava sistemski pristup rješavanju infrastrukturnih problema u javnom sektoru, uz uporedno jačanje privatnog sektora. Ministarstvo za privredu Zeničko-dobojskog kantona, zaduženo za provođenje ovog Zakona, ima obavezu da organizira specijalističke programe edukacije za javna tijela i druge učesnike (čl. 24, tačka f.). U tu svrhu, planirana su sredstva budžetom Zeničko-dobojskog kantona za 2018. godinu u iznosu od 50,000 KM (bez PDV-a).

Ministarstvo za privredu je u prvoj polovini 2017. godine, uz podršku USAID Projekta jačanja institucija i procesa vlasti (SGIP), započelo pripreme na implementaciji Zakona i obavilo stručne konsultacije u svih 12 općina Zeničko-dobojskog kantona, kao i sa predstavnicima potencijalnih kantonalnih partnera, vezano za identifikaciju JPP projekata odnosno pripremu godišnjih i srednjeročnih planova potencijalnih JPP projekata. Na osnovu povratnih informacija učesnika stručnih konsultacija, potvrđena je velika potreba i zainteresovanost javnih tijela za organizovanjem JPP obuka.

Shodno tome, **Cilj** koji se želi postići ovim Pozivom je unapređenje administrativnih kapaciteta na području Zeničko-dobojskog kantona za provedbu projekata po modelu JPP kroz povećanje razumijevanja koncepta JPP i njegove primjene u praksi, a na osnovu regulatorno-pravnog okvira za JPP u Zeničko-dobojskog kantona i dobre prakse iz EU zemalja.

### 3.1 OPIS PREDMETA PONUDE

**Predmet** ovog Poziva je priprema i održavanje programa obuke iz oblasti JPP za javna tijela u Zeničko-dobojskom kantonu. Program obuke metodološki uključuje komponente predavanja i komponentu neposredne podrške u radnom okruženju (mentoring) polaznika obuke.

Program obuke se sastoji iz četiri modula, kojima treba minimalno obuhvatiti sljedeće oblasti:

- Razvoj modela JPP u razvijenim administracijama sa primjerima dobre prakse EU, sa mogućnostima primjene iste u kontekstu Zeničko-dobojskog kantona;
- Zakonski okvir za JPP Zeničko-dobojskog kantona;
- Identificiranje mogućih pilot projekata, u skladu sa zakonom i strateško-planskim okvirom;
- Podršku javnim tijelima prilikom pripreme godišnjih i srednjoročnih planova potencijalnih JPP projekata;
- Priprema prijedloga JPP projekata – strateško planiranje JPP projekata, finansiranje JPP projekata, analiza rizika, komparator troškova javnog sektora, pravni aspekt;
- Ocjena i implementacija JPP projekata – ugovor o JPP-u, mehanizam plaćanja, standardi prostora i usluga, nadzor nad provedbom projekata, Registar ugovora;
- Proces pripreme, predlaganja i praćenja provedbe JPP projekta iz jednog specifičnog sektora iz Kataloga projekata JPP Zeničko-dobojskog kantona koji treba da obuhvati i identificiranje mogućih prepreka za realizaciju projekata, specifičnih elemenata projektnog ciklusa, zakonodavni okvir specifičnog sektora, primjer EU prakse u specifičnom sektoru.

Svaki pojedinačni modul se sastoji iz dva dijela: teoretske obuke, koja traje u prosjeku osam sati, i praktičnog dijela koji podrazumjeva primjenu stečenog znanja na konkretne zadatke iz oblasti djelokruga svakog javnog tijela čiji polaznici učestvuju u obuci (grupne i individualne vježbe). Dodatna neposredna podrška u radnom okruženju (mentoring) biti će na raspolaganju polaznicima obuka nakon predavanja, kroz sastanke i/ili telefonske razgovore i/ili elektronsku poštu, u trajanju od maksimalno osam sati po svakom javnom tijelu koje učestvuje u obuci.

Obuka je namijenjena državnim službenicima i namještenicima, i drugim odgovornim licima u javnim tijelima Zeničko-dobojskog kantona. Polaznici će se birati pozivom za učešće. Maksimalan broj polaznika obuke je 30. Polaznicima obuke koji budu pohađali kompletan program, biti će dodijeljeni certifikati o provedenoj obuci nakon okončanja obuke.

#### 3.1. PERIOD I PROCJENJENA VRIJEDNOST ZAKLJUČIVANJA UGOVORA

Procijenjena vrijednost javne nabavke iznosi 50.000,00 KM bez PDV-a. Cijena uključuje sve troškove pripreme i održavanja obuka (troškove angažmana predavača (eksperata), pripremu i štampanje materijala, zakup sale i opreme, troškove obroka i osvježenja, te putne i komunikacijske troškove za potrebe provođenja mentoring-a sa polaznicima, priprema finalnog izvještaja o provedenom programu obuka).

Ugovorni organ neće snositi nikakve troškove (redovne ili vanredne) vezano za pripremu i održavanje obuka.

Period izvršenja je od 01.10. – 15.12. 2018. godine, a planirane aktivnosti su raspoređene kako slijedi:

Oktobar 2018. godine – priprema plana i programa obuke, odabir polaznika obuke, priprema obuka i teoretska predavanja za sva četiri modula, mentoring

Novembar-decembar 2018. godine – mentoring, izvještavanje

Za predmetnu nabavku su planirana sredstva u Budžetu Zeničko-dobojskog kantona za 2018. godinu, ekonomski kod 613900, – Ugovorene i druge posebne usluge.

**NAČIN VRŠENJA USLUGA:** Na osnovu programa provođenja obuke odobrenog od strane Ugovornog organa.

**3.2. MJESTO PRUŽANJA USLUGE:** Zeničko-dobojski kanton

**3.3. KOLIČINA PREDMETNE NABAVKE:** minimalno četiri teoretska modula u trajanju od minimalno po osam sati, praktični dio obuke, minimalno osam sati mentoringa po svakom javnom tijelu čiji polaznici učestvuju u programu obuke; maksimalno 30 polaznika, odabranih na osnovu poziva za učešće u obukama;

**3.4. KRITERIJ ZA DODJELU UGOVORA- najniža cijena**

**3.5. OBRAZAC ZA CIJENU PONUDE:** u prilogu Poziva kao *Aneks 2*.

## **4. USLOVI ZA UČEŠĆE I POTREBNI DOKAZI**

### **4.1. Uslovi za kvalifikaciju u smislu lične sposobnosti (čl.45 Zakona) i dokazi koji se traže**

Ponuđač je dužan u svrhu dokazivanja lične sposobnosti dokazati da:

- a) u krivičnom postupku nije osuđen pravosnažnom presudom za krivična djela organiovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;
- d) je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.

U svrhu dokazivanja uslova iz tački a) do d) ponuđač je dužan dostaviti popunjenu i ovjerenu kod nadležnog organa izjavu koja je sastavni dio poziva (**Aneks 3**).

#### **4.1.1. Samo onaj ponuđač koji bude odabran kao najbolji u ovom postupku javne nabavke je dužan prije zaključivanja ugovora dostaviti sljedeće dokaze u svrhu dokazivanja činjenica potvrđenih u izjavi i to:**

- a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.

#### **4.1.2. U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektno poreze, dužni su dostaviti potvrdu nadležne institucije/a da ponuđač u predviđenoj dinamici izmiruje svoj reprogramirane obaveze.**

#### **4.1.3. Ukoliko je ponuđač zaključio sporazum o reprogramu obaveza ili odgođenom plaćanju obaveza i izvršio samo jednu uplatu obaveza, neposredno prije dostave ponude, ne smatra se da u predviđenoj dinamici izvršavaju svoje obaveze i taj ponuđač neće biti kvalifikovan u ovom postupku javne nabavke.**

- 4.1.4.** Dokazi koje je dužan dostaviti izabrani ponuđač moraju sadržavati potvrdu da je u momentu predaje ponude ispunjavao uslove koji se traže tenderskom dokumentacijom. U protivnom će se smatrati da je dao lažnu izjavu.
- 4.1.5.** Dokaze o ispunjavanju uslova je dužan dostaviti **u roku od 5 dana**, od dana zaprimanja obavještenja o rezultatima ovog postupka javne nabavke. Dokazi koje dostavlja izabrani ponuđač ne mogu biti stariji od tri mjeseca, računajući od momenta predaje ponude. Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. Zakona.
- 4.1.6.** Ugovorni organ može diskvalifikovati ponuđača iz ovog postupka javne nabavke ukoliko može dokazati da je ponuđač bio kriv za ozbiljan profesionalni prekršaj u posljednje tri godine, ali samo ukoliko može dokazati na bilo koji način, posebno značajni i/ili nedostaci koji se ponavljaju u izvršavanju bitnih zahtjeva ugovora koji su doveli do njegovog prijevremenog raskida (npr. dokaz o prijevremenom raskidu ranijeg ugovora zbog neispunjavanja obaveze u skladu sa Zakonom o obligacionim odnosima), nastanka štete (pravosnažna presuda nadležnog suda za štetu koju je pretrpio ugovorni organ), ili drugih sličnih posljedica koje su rezultat namjere ili nemara tog privrednog subjekta (dokazi u skladu sa postojećim propisima u Bosni i Hercegovini).

Sve dostavljene dokumente prije zaključivanja ugovora pregledat će i ocijeniti komisija koja bude nadležna i za provođenje postupka nabavke.

**4.2. Ostali uslovi za kvalifikaciju (čl. 46., 48. i 50. Zakona)** u svrhu dokazivanja sposobnosti ponuđača i dokazi koji se traže:

- 4.2.1.** Ponuđač je dužan u svrhu dokazivanja **sposobnosti obavljanja profesionalne djelatnosti (čl. 46. Zakona)** dokazati da je registrovan za obavljanje profesionalne djelatnosti koja je u vezi sa predmetom ove nabavke.  
Gore navedeni dokument priznaje se na teritoriji Bosne i Hercegovine, bez obzira na kojem nivou vlasti su izdati.  
Dokaz se dostavlja kao neovjerena kopija originala, s tim da datum izdavanja originala ne može biti stariji od tri mjeseca računajući od dana dostavljanja ponude (pod danom dostavljanja ponude smatra se dan/datum, koji je Ugovorni organ, odredio u Pozivu kao dan/datum za prijem ponuda).  
U slučaju da se u ponudi ne dostave navedeni dokumenti u vezi sposobnosti obavljanja profesionalne djelatnosti ponuđača (član 46. Zakona) ili se ne dostave na način kako je naprijed traženo, ponuđač će biti isključen iz daljeg učešća zbog neispunjavanja navedenog uslova za kvalifikaciju.

**4.2.2.** U svrhu dokazivanja uslova u pogledu **tehničke i profesionalne sposobnosti (čl. 48 i 50. Zakona)**, ponuđači su dužni dokazati sljedeće:

- a) Uspješno iskustvo u realizaciji najmanje 2 (dva) ugovora čiji su karakter i kompleksnost slični onima koji se odnose na predloženi ugovor u predhodne 2 (dvije) godine ili od datuma registracije, odnosno početka poslovanja, ako je kandidat/ponuđač registriran, odnosno počeo sa radom prije manje od tri godine;
- b) Da raspoložu sa stručnim licima koja ispunjavaju sljedeće uslove:
  - za fizička lica: VII stepen stručne spreme, odnosno prvog (najmanje 240 ECTS bodova), drugog ili trećeg ciklusa Bolonjskog sistema studiranja odgovarajućeg pravnog, tehničkog ili finansijsko-ekonomskog smjera, minimalno 5 godina relevantnog iskustva u struci od čega 3 godine relevantnog iskustva iz oblasti javno-privatnog partnerstva i minimalno 3 pozitivne preporuke od ranijih poslodavaca i/ili klijenata (pismene ili usmene);

- za pravna lica: minimalno 2 angažovana lica koja ispunjavaju kriterije iz prethodne alineje i minimalno dvije potvrde o uredno izvršenom ugovoru (po mogućnosti da je ugovor relevantan za JPP).

Pod relevantnim iskustvom iz oblasti javno-privatnog partnerstva podrazumjeva se iskustvo u području izrade zakonodavnog i institucionalnog okvira iz područja JPP-a u BiH, iskustva u pripremi i pružanju usluga obuke iz područja JPP-a, iskustva rada na promociji JPP projekata (kao dio javnog i/ili privatnog i/ili nevladinog sektora), iskustva u ocjeni i odobravanju JPP projekata, iskustvo u pripremi barem jednog JPP projekta.

Ocjena tehničke i profesionalne sposobnosti ponuđača će se izvršiti na osnovu slijedećih izjava i dokumenata koje dostave ponuđači:

a) Lista ugovora pruženih u posljednje 2 (dvije) godine uz predočavanje najmanje 2 (dva) ugovora;

Lista ugovora treba da sadrži:

- puni naziv i sjedište ugovornih strana,
- predmet ugovora,
- vrijednost ugovora,
- vrijeme i mjesto izvršenja ugovora,
- navode o uredno izvršenim ugovorima;
- potpis i pečat kandidata/ponuđača.

Uz navedenu Listu ugovora, Ponuđač je dužan dostaviti:

- dokumenta u formi potvrda o izvršenim uslugama koje su izdali kupci sa ocjenom uspješnosti realizacije ugovora ili
- Izjavu Ponuđača (pod punom materijalnom i krivičnom odgovornošću) o izvršenim isporukama, ukoliko se gore navedene potvrde o izvršenim uslugama ne mogu dobiti iz razloga izvan kontrole Ponuđača usluga.

b) Dostavljenom izjavom o obrazovnim i profesionalnim kvalifikacijama kandidata i/ili kvalifikacijama njegovog angažovanog osoblja koja su odgovorna za pružanje predmetnih usluga, sa priložima za svako lice posebno:

- Curriculum vitae sa referenc listom relevantnog iskustva u struci sa posebnom naznakom relevantnog iskustva u oblasti javno-privatnog partnerstva i to u trajanju najmanje 3 godine,
- obična kopija diplome,
- 3 pozitivne preporuke od ranijih poslodavaca i/ili klijenata (pismene ili usmene sa naznakom kontakt osobe i broj telefona gdje se iste mogu provjeriti).

Navedeni dokument/dokaz dostavlja se kao obična kopija zajedno sa izjavom koju ovjerava ponuđač, čiji obrazac je sastavni dio ove tenderske dokumentacije u obliku **Aneksa 4**.

#### **4.3. Ocjena ekonomske i finansijske sposobnosti ponuđača, u skladu sa članom 47. Zakona- ponuđač je dužan dokazati :**

a) Da je transakcijski račun ponuđača aktivan.

Ocjena ekonomske i finansijske sposobnosti će se vršiti na osnovu uvjerenja koji izdaje banka ponuđača ili druga finansijska institucija, u skladu s pozitivnim propisima, a kojim se dokazuje ispunjenje navedenog uslova da je transakcijski račun ponuđača aktivan. Navedeno

uvjerenje dostavlja se kao obična kopija zajedno sa izjavom koju ovjerava ponuđač, čiji obrazac je sastavni dio ove tenderske dokumentacije u obliku **Aneksa 5**.

## **5. SADRŽAJ I NAČIN PRIPREME PONUDE**

Ponuda se zajedno sa pripadajućom dokumentacijom priprema na jednom od službenih jezika u Bosni i Hercegovini, na latiničnom ili ćirilichnom pismu. Pri pripremi ponude ponuđač se mora pridržavati zahtjeva i uslova iz ovog poziva. Ponuđač ne smije mijenjati ili nadopunjavati tekst poziva. Ponuđači snose sve troškove u vezi sa pripremom i dostavljanjem svojih ponuda. Ugovorni organ nije odgovoran niti dužan snositi te troškove.

**Ponuda mora sadržavati najmanje:**

- a) Obrazac za dostavljanje ponude – **Aneks 1**;
- b) Obrazac za cijenu ponude - **Aneks 2** ;
- c) Izjava o ispunjenosti uslova iz člana 45. stav (1) tačaka od a) do d) Zakona **Aneks 3**;
- d) Lista ugovora i Izjava o ispunjenosti uslova iz člana 50. (Tehnička i profesionalna sposobnost u postupku nabavke usluga) tačke : a), b) i c) Zakona- **Aneks 4**.
- e) Izjava o ispunjenosti uslova iz člana 47. stav (1) tačka a) Zakona- **Aneks 5**;
- f) Dokaze o ispunjavanju uslova sposobnosti ponuđača iz tačke 4.2.1. Poziva
- g) Pismena izjava ponuđača iz člana 52. Zakona o javnim nabavkama-**Aneks 6**;

## **6. NAČIN DOSTAVLJANJA PONUDE, ADRESA NA KOJU SE PONUDA DOSTAVLJA I KRAJNI ROK ZA DOSTAVU PONUDA**

Ponuda, bez obzira na način dostavljanja, mora biti zaprimljena u ugovornom organu, na sljedećoj adresi: Kučukovići broj 2, 72000 Zenica, **najkasnije do 26.09.2018. godine do 11.00 sati**.

Sve ponude zaprimljene nakon tog vremena su neblagovremene i kao takve, neotvorene će biti vraćene ponuđaču.

Ponude se predaju na protokol ugovornog organa ili putem pošte, na adresu ugovornog organa, u zatvorenoj koverti na kojoj, na prednjoj strani koverta, mora biti navedeno:

**PONUDA ZA JAVNU NABAVKU USLUGA OBRAZOVANJA I STRUČNOG  
USAVRŠAVANJA DRŽAVNIH SLUŽBENIKA I NAMJEŠTENIKA JAVNIH TIJELA  
SA PODRUČJA ZENIČKO-DOBOJSKOG KANTONA ZA PRIMJENU MODELA  
JAVNO-PRIVATNOG PARTNERSTVA**  
**„NE OTVARAJ “**

Na zadnjoj strani koverta ponuđač je dužan da navede naziv i adresa ponuđača.

Svaki ponuđač može dostaviti jednu ponudu. Nije dozvoljeno dostavljanje više modaliteta ponude.

Ponuda se čvrsto uvezuje na način da se onemogući naknadno vađenje ili umetanje listova. Ako je ponuda izrađena u dva ili više dijelova, svaki dio se čvrsto uvezuje na način da se onemogući naknadno vađenje ili umetanje listova. Pod čvrstim uvezom podrazumijeva se uvezivanje jemstvenikom (notarskim konopcem) ili knjiški čvrsti uvez sa koricama. Neće biti prihvaćene ponude koje budu uvezane spiralnim uvezom ili u običnu plastičnu fasciklu!

Ponuda se obavezno dostavlja **u jednom originalu i jednoj kopiji**, s tim što kopija ponude može biti uvezana spiralnim uvezom ili u fasciklu.

Stranice ponude se označavaju brojem na način da je vidljiv redni broj stranice. Kada je ponuda izrađena od više dijelova, stranice se označavaju na način da svaki sljedeći dio započinje rednim brojem kojim se nastavlja redni broj stranice kojim završava prethodni dio.

Ponuda neće biti odbačena ukoliko su listovi ponude numerisani na način da je obezbjeđen kontinuitet numerisanja, te će se smatrati manjim odstupanjem koje ne mijenja, niti se bitno



udaljava od karakteristika, uslova i drugih zahtjeva utvrđenih u obavještenju o nabavci i tenderskoj dokumentaciji.

## **7. PROVOĐENJE PREGOVORA**

Pregovori se neće provoditi.

## **8. PERIOD VAŽENJA PONUDE**

Ponuda koja se dostavlja mora **važiti minimalno 60 dana** računajući od dana krajnjeg roka za predaju ponuda definisanog u tački 6. ovog Poziva.

Ukoliko ponuđač u ponudi ne navede rok važenja ponude, onda se smatra da je rok važenja ponude onaj koji je naveden u ovom pozivu (zahtjevan od strane ugovornog organa).

U slučaju da je period važenja ponude kraći od roka navedenog u tenderskoj dokumentaciji, ugovorni organ će odbiti takvu ponudu u skladu sa članom 60. stav (1) Zakona.

Ugovorni organ zadržava pravo da pismenim putem traži saglasnost za produženje roka važenja ponude. Ukoliko ponuđač ne dostavi pismenu saglasnost, smatra se da je odbio zahtjev ugovornog organa, te se njegova ponuda ne razmatra u daljem toku postupka javne nabavke.

## **9. OBRAZAC ZA CIJENU PONUDE**

Ponuđači su dužni dostaviti popunjen obrazac za cijenu ponude (Aneks 2.) u skladu sa svim zahtjevima koji su definisani, za sve stavke koje su sadržane u obrascu. U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbačena.

Cijena ponude obuhvata sve stavke iz obrasca za cijenu ponude (bez PDV-a). Cijena ponude se piše brojevima i slovima. Cijena koju ugovorni organ prihvati nakon pregovora neće se mijenjati u toku trajanja ugovora. Ponuđena cijena treba da sadrži kompletnu cijenu za predmetnu uslugu.

Ukoliko ponuđač nije PDV obveznik, ne prikazuje PDV i u obrascu za cijenu ponude, na mjestu gdje se upisuje pripadajući iznos PDV-a, upisuje 0,00.

Posebno se prikazuje PDV na cijenu ponude. Na kraju se daje vrijednost ugovora ( cijena ponude) + PDV.

Cijena ponude se izražava u konvertibilnim markama (BAM).

## **10. POTPISIVANJE UGOVORA**

**10.1.** Ugovorni organ će obavijestiti ponuđača, čija je ponuda izabrana, o datumu i mjestu zaključivanja ugovora.

**10.2.** Ugovorni organ zaključuje ugovor sa ponuđačem čija je ponuda odabrana kao najpovoljnija.

### **PRILOZI:**

1. Obrazac za dostavljanje ponude – **Aneks 1;**
2. Obrazac za cijenu ponude - **Aneks 2;**
3. Izjava o ispunjenosti uslova iz člana 45. stav (1) tačaka od a) do d) Zakona - **Aneks 3;**
4. Izjava o ispunjenosti uslova iz člana 50. (Tehnička i profesionalna sposobnost u postupku nabavke usluga) tačke : a), b) i c) Zakona- **Aneks 4.**
5. Izjava o ispunjenosti uslova iz člana 47. stav (1) tačka a) Zakona- **Aneks 5;**
6. Pismena izjava ponuđača iz člana 52. Zakona o javnim nabavkama-**Aneks 6;**

**OBRAZAC ZA DOSTAVLJANJE PONUDE - USLUGE**

**PREDMET:** Javna nabavka usluga obrazovanja i stručnog usavršavanja javnih tijela sa područja Zeničko-dobojskog kantona za primjenu modela javno-privatnog partnerstva (JPP)

**VEZA:** Poziv za dostavljanje ponuda za javnu nabavku usluga u skladu sa Pravilnikom o postupku dodjele ugovora o uslugama iz aneksa II dio B Zakona o javnim nabavkama („Službeni glasnik BIH”, broj 104/14 i broj 66/16)

## UGOVORNI ORGAN

Bosna i Hercegovina,  
 Federacija Bosne i Hercegovine,  
 ZENIČKO-DOBOJSKI KANTON,  
 MINISTARSTVO ZA PRIVREDU/GOSPODARSTVO

## PONUĐAČ

\_\_\_\_\_  
 (Upisuje se naziv ponuđača i ID broj ponuđača)

\*Ukoliko ponudu dostavlja grupa ponuđača, upisuju se isti podaci za sve članove grupe ponuđača, kao i kada ponudu dostavlja samo jedan ponuđač, a pored naziva ponuđača koji je predstavnik grupe ponuđača upisuje se i podatak da je to predstavnik grupe ponuđača. Podugovarač se ne smatra članom grupe ponuđača u smislu postupka javne nabavke.

**KONTAKT OSOBA** (za konkretnu ponudu)

<b>Ime i prezime</b>	
<b>Adresa</b>	
<b>Telefon</b>	
<b>Faks</b>	
<b>E-mail</b>	

**IZJAVA PONUĐAČA\***

Ukoliko ponudu dostavlja grupa ponuđača, onda Izjavu ponuđača popunjava predstavnik grupe ponuđača.

U odgovoru na vaše pismo poziva na dostavu ponuda po posebnom režimu za usluge iz Aneksa II. dio B Zakona o javnim nabavka broj: \_\_\_\_\_, Mi, dolje potpisani dostavljamo ponudu i izjavljujemo slijedeće:

U skladu sa sadržajem i zahtjevima Poziva za dostavu ponuda br. \_\_\_\_\_ ovom izjavom prihvatamo njegove odredbe u cijelosti, bez ikakvih rezervi ili ograničenja.

1. Ovom ponudom odgovaramo zahtjevima iz Poziva za dostavu ponuda u skladu sa uslovima utvrđenim u istom, kriterijima i utvrđenim rokovima, bez ikakvih rezervi ili ograničenja.

2. Cijena ponude (bez PDV-a) \_\_\_\_\_ KM  
Popust koji dajemo na cijenu ponude \_\_\_\_\_ KM  
Konačna cijena naše ponude, sa uključenim popustom je \_\_\_\_\_ KM

U prilogu se nalazi i obrazac za cijenu naše ponude, koji je popunjen u skladu sa zahtjevima iz Poziva za dostavu ponuda. U slučaju razlika u cijenama iz ove Izjave i Obrasca za cijenu ponude, relevantna je cijena iz obrasca za cijenu ponude.

3. Ova ponuda važi \_\_\_\_\_ dana računajući od isteka roka za prijem ponuda., tj. do \_\_\_\_\_ godine.
4. Ako naša ponuda bude najuspješnija u ovom postupku javne nabavke, obavezujemo se dostaviti dokaze o kvalificiranosti, u pogledu lične sposobnosti, registracije, ekonomske i finansijske sposobnosti, te tehničke i profesionalne sposobnosti koji su traženi Pozivom za dostavu ponuda i u roku koji je utvrđen, a što potvrđujemo izjavama u ovoj ponudi;

Potpis i pečat ponuđača

\_\_\_\_\_

## OBRAZAC ZA CIJENU PONUDE-USLUGE

Strana \_\_\_\_ od \_\_\_\_

Naziv dobavljača \_\_\_\_\_

Ponuda br. \_\_\_\_\_

Redni broj	Opis usluga	Jed.mjere	Količina	Jedinična cijena po stavki bez PDV-a	Ukupna cijena po stavki bez PDV-a (za 30 korisnika)
	Obuka obrazovanja i stručnog usavršavanja javnih tijela sa područja Zeničko-dobojskog kantona za primjenu modela javno-privatnog partnerstva (JPP)	Po korisniku ili po modulu	30 korisnika ili 4 modula		
<b>Ukupna cijena bez PDV-a</b>					
<b>Popust</b>					
<b>Ukupna cijena sa popustom bez PDV-a</b>					

Potpis dobavljača \_\_\_\_\_

Napomena:

1. Cijene moraju biti izražene u KM. Za svaku stavku u ponudi mora se navesti cijena.
2. Cijena ponude se iskazuje bez PDV-a i sadrži sve naknade koji ugovorni organ treba platiti dobavljaču. Ugovorni organ ne smije imati nikakve dodatne troškove osim onih koji su navedeni u ovom obrascu.
3. U slučaju razlika između jediničnih cijena i ukupnog iznosa, ispravka će se izvršiti u skladu sa jediničnim cijenama.
4. Jedinična cijena stavke se ne smatra računskom greškom, odnosno ne može se ispravljati.

### Aneks 3

#### Izjava o ispunjenosti uslova iz člana 45. stav (1) tačkaka od a) do d) Zakona o javnim nabavkama („Službeni glasnik BiH broj: 39/14“)

Ja, niže potpisani \_\_\_\_\_ (ime i prezime), sa ličnom kartom broj: \_\_\_\_\_ izdatom od: \_\_\_\_\_, u svojstvu predstavnika privrednog društva ili obrta ili srodne djelatnosti, odnosno predstavnika ponuđača: \_\_\_\_\_ (navesti položaj, naziv privrednog društva ili obrta ili srodne djelatnosti), ID broj: \_\_\_\_\_, čije sjedište se nalazi u \_\_\_\_\_ (grad/općina), na adresi \_\_\_\_\_ (ulica i broj), kao kandidat/ponuđač u postupku javne nabavke usluga obrazovanja i stručnog usavršavanja javnih tijela sa područja Zeničko-dobojskog kantona za primjenu modela javno-privatnog partnerstva (JPP), a u skladu sa Pravilnikom o postupku dodjele ugovora o uslugama iz aneksa II dio B Zakona o javnim nabavkama („Službeni glasnik BiH”, broj 104/14) za službenike i namještenike javnih tijela sa područja Zeničko-dobojskog kantona, a kojeg provodi ugovorni organ, Ministarstvo za privredu Zeničko-dobojskog kantona, a u skladu sa članom 45. stavovima (1) i (4) pod punom materijalnom i krivičnom odgovornošću

#### IZJAVLJUJEM

Kandidat/ponuđač \_\_\_\_\_ u navedenom postupku javne nabavke, kojeg predstavljam, nije:

- a) Pravosnažnom sudskom presudom u krivičnom postupku osuđen za krivična djela organizovanog kriminala, korupcije, prevare ili pranja novca u skladu sa važećim propisima u BiH ili zemlji u kojoj je registrovan
- b) Pod stečajem ili je predmetom stečajnog postupka ili je pak predmetom postupka likvidacije
- c) Propustio ispuniti obaveze u vezi sa plaćanjem penzionog i invalidskog osiguranja i zdravstvenog osiguranja u skladu s važećim propisima u BiH ili zemlji u kojoj je registriran
- d) Propustio ispuniti obaveze u vezi s plaćanjem direktnih ili indirektnih poreza u skladu sa važećim propisima u BiH ili zemlji u kojoj je registrovan.

U navedenom smislu sam upoznat sa obavezom kandidata/ponuđača da u slučaju dodjele ugovora dostavi dokumente iz člana 45. stav (2) tačke od a) do d) na zahtjev ugovornog organa i u roku kojeg odredi ugovorni organ shodno članu 72. stav (3) tačka a).

Nadalje izjavljujem da sam svjestan da krivotvorenje službene isprave, odnosno upotreba neistinite službene ili poslovne isprave, knjige ili spisa u službi ili poslovanju kao da su istiniti, predstavlja krivično djelo predviđeno Krivičnim zakonima u BiH, te da davanje netačnih podataka u dokumentima kojima se dokazuje lična sposobnost iz člana 45. Zakona o javnim nabavkama predstavlja prekršaj za koji su predviđene novčane kazne od 1.000,00 KM do 10.000,00 KM za ponuđača (pravno lice) i od 200,00 KM do 2.000,00 KM za odgovorno lice ponuđača.

Također izjavljujem da sam svjestan da ugovorni organ koji provodi navedeni postupak javne nabavke shodno članu 45. stav (6) Zakona o javnim nabavkama u slučaju sumnje u tačnost podataka datih putem ove izjave zadržava pravo provjere tačnosti iznesenih informacija kod nadležnih organa.

Izjavu dao:

\_\_\_\_\_

Mjesto i datum davanja izjave:

\_\_\_\_\_

Potpis i pečat nadležnog organa:

\_\_\_\_\_ M.P.

#### Aneks 4

### Izjava o ispunjenosti uslova iz člana 48. i 50. tačke: a), b) i c) (Tehnička i profesionalna sposobnost u postupku nabavke usluga) Zakona o javnim nabavkama („Službeni glasnik BiH“ broj 39/14)

Ja, niže potpisani \_\_\_\_\_ (Ime i prezime), sa ličnom kartom broj : \_\_\_\_\_ izdatom od \_\_\_\_\_, u svojstvu predstavnika privrednog društva ili obrta ili srodne djelatnosti \_\_\_\_\_ (Navesti položaj, naziv privrednog društva ili obrta ili srodne djelatnosti), ID broj : \_\_\_\_\_, čije sjedište se nalazi u \_\_\_\_\_ (Grad/općina), na adresi \_\_\_\_\_ (Ulica i broj), kao kandidat/ponuđač u postupku javne nabavke usluga obrazovanja i stručnog usavršavanja javnih tijela sa područja Zeničko-dobojskog kantona za primjenu modela javno-privatnog partnerstva (JPP), a u skladu sa Pravilnikom o postupku dodjele ugovora o uslugama iz aneksa II dio B Zakona o javnim nabavkama („Službeni glasnik BiH”, broj 104/14) za službenike i namještenike javnih tijela sa područja Zeničko-dobojskog kantona, a kojeg provodi ugovorni organ, Ministarstvo za privredu Zeničko-dobojskog kantona, a u skladu sa članom 50. tačke a), b) i c), pod **punom materijalnom i kaznenom odgovornošću dajem sljedeću :**

#### IZJAVU

- a) Spisak izvršenih ugovora u skladu sa članom 48. stav 2. Zakona, a koji su u vezi sa predmetnom nabavkom, za period ne duži od tri godine, ili od datuma registracije, odnosno početka poslovanja, ako je kandidat/ponuđač registriran, odnosno počeo sa radom prije manje od tri godine;
- b) obrazovne i profesionalne kvalifikacije pružaoca usluga i/ili kvalifikacije njegovog rukovodećeg osoblja i naročito kvalifikacije lica koja su odgovorna za pružanje konkretnih usluga;
- c) Izjava o angažiranom tehničkom osoblju ili tehničkim organima, a za koje se ne može zahtijevati da su zaposleni kod kandidata/ponuđača

**Navesti precizne podatke vezane za zahtjeve iz Poziva :**

---

---

---

---

---

---

---

---

---

---

Nadalje izjavljujem da sam svjestan da krivotvorenje službene isprave, odnosno upotreba neistinite službene ili poslovne isprave, knjige ili spisa u službi ili poslovanju kao da su istiniti predstavlja kazneno djelo predviđeno Kaznenim zakonima u BiH, te da davanje netačnih podataka u dokumentima kojima se dokazuje tehnička i profesionalna sposobnost iz članova 48. do 51. Zakona o javnim nabavkama predstavlja prekršaj za koji su predviđene novčane kazne od 1.000,00 KM do 10.000,00 KM za ponuđača (pravno lice) i od 200,00 KM do 2.000,00 KM za odgovorno lice ponuđača.

Izjavu dao :

\_\_\_\_\_  
Mjesto i datum davanja izjave :

\_\_\_\_\_  
Potpis i pečat ponuđača / kandidata :

## Aneks 5

### Izjava o ispunjenosti uslova iz člana 47. st. (1) tačka a) i (4) Zakona o javnim nabavkama („Službeni glasnik BiH“ broj 39/14)

Ja, niže potpisani \_\_\_\_\_ (Ime i prezime), sa ličnom kartom broj: \_\_\_\_\_ izdatom od \_\_\_\_\_, u svojstvu predstavnika privrednog društva ili obrta ili srodne djelatnosti \_\_\_\_\_ (Navedi položaj, naziv privrednog društva ili obrta ili srodne djelatnosti), ID broj: \_\_\_\_\_, čije sjedište se nalazi u \_\_\_\_\_ (Grad/općina), na adresi \_\_\_\_\_ (Ulica i broj), kao kandidat/ponuđač u postupku javne nabavke postupku javne nabavke usluga obrazovanja i stručnog usavršavanja javnih tijela sa područja Zeničko-dobojskog kantona za primjenu modela javno-privatnog partnerstva (JPP), a u skladu sa Pravilnikom o postupku dodjele ugovora o uslugama iz aneksa II dio B Zakona o javnim nabavkama („Službeni glasnik BiH“, broj 104/14) za službenike i namještenike javnih tijela sa područja Zeničko-dobojskog kantona, a kojeg provodi ugovorni organ, Ministarstvo za privredu Zeničko-dobojskog kantona, a u skladu sa članom 47. stavovima (1) i (4) pod **punom materijalnom i kaznenom odgovornošću**

### IZJAVLJUJEM

Dokumenti čije obične kopije dostavlja kandidat/ponuđač \_\_\_\_\_ u navedenom postupku javne nabavke, a kojima se dokazuje ekonomska i finansijska sposobnost iz člana 47. stav (1) tačke a) su identični sa originalima.

U navedenom smislu sam upoznat sa obavezom kandidata/ponuđača da u slučaju dodjele ugovora dostavi dokumente iz člana 47. stav (1) tačke a) na zahtjev ugovornog organa i u roku kojeg odredi ugovorni organ shodno članu 72. stav (3) tačka a).

Nadalje izjavljujem da sam svjestan da krivotvorenje službene isprave, odnosno upotreba neistinite službene ili poslovne isprave, knjige ili spisa u službi ili poslovanju kao da su istiniti predstavlja kazneno djelo predviđeno Kaznenim zakonima u BiH, te da davanje netačnih podataka u dokumentima kojima se dokazuje ekonomska i finansijska sposobnost iz člana 47. Zakona o javnim nabavkama predstavlja prekršaj za koji su predviđene novčane kazne od 1.000,00 KM do 10.000,00 KM za ponuđača (pravno lice) i od 200,00 KM do 2.000,00 KM za odgovorno lice ponuđača.

Izjavu dao :

\_\_\_\_\_  
Mjesto i datum davanja izjave :

\_\_\_\_\_  
Potpis i pečat ponuđača / kandidata :

## Aneks 6

### PISMENA IZJAVA IZ ČLANA 52. ZAKONA O JAVNIM NABAVKAMA

Ja, niže potpisani \_\_\_\_\_ (Ime i prezime), sa ličnom kartom broj: \_\_\_\_\_ izdatom od \_\_\_\_\_, u svojstvu predstavnika privrednog društva ili obrta ili srodne djelatnosti \_\_\_\_\_ (Navesti položaj, naziv privrednog društva ili obrta ili srodne djelatnosti), ID broj : \_\_\_\_\_, čije sjedište se nalazi u \_\_\_\_\_ (Grad/općina), na adresi \_\_\_\_\_ (Ulica i broj), kao kandidat/ponuđač u postupku javne nabavke postupku javne nabavke usluga obrazovanja i stručnog usavršavanja javnih tijela sa područja Zeničko-dobojskog kantona za primjenu modela javno-privatnog partnerstva (JPP), a u skladu sa Pravilnikom o postupku dodjele ugovora o uslugama iz aneksa II dio B Zakona o javnim nabavkama („Službeni glasnik BiH”, broj 104/14) za službenike i namještenike javnih tijela sa područja Zeničko-dobojskog kantona, a kojeg provodi ugovorni organ, Ministarstvo za privredu Zeničko-dobojskog kantona, a u skladu sa članom 52. stav (2) Zakona o javnim nabavkama pod **punom materijalnom i kaznenom odgovornošću**

#### IZJAVLJUJEM

1. Nisam ponudio mito ni jednom licu uključenom u proces javne nabavke, u bilo kojoj fazi procesa javne nabavke.
2. Nisam dao, niti obećao dar, ili neku drugu povlasticu službenom ili odgovornom licu u ugovornom organu, uključujući i strano službeno lice ili međunarodnog službenika, u cilju obavljanja u okviru službene ovlasti, radnje koje ne bi trebalo da izvrši, ili se suzdržava od vršenja djela koje treba izvršiti on, ili neko ko posreduje pri takvom podmićivanju službenog ili odgovornog lica.
3. Nisam dao ili obećao dar ili neku drugu povlasticu službenom ili odgovornom licu u ugovornom organu uključujući i strano službeno lice ili međunarodnog službenika, u cilju da obavi u okviru svoje službene ovlasti, radnje koje bi trebalo da obavlja, ili se suzdržava od obavljanja radnji, koje ne treba izvršiti.
4. Nisam bio uključen u bilo kakve aktivnosti koje za cilj imaju korupciju u javnim nabavkama.
5. Nisam sudjelovao u bilo kakvoj radnji koja je za cilj imala korupciju u toku postupka javne nabavke.

Davanjem ove izjave, svjestan sam kaznene odgovornosti predviđene za kaznena djela primanja i davanja mita i kaznena djela protiv službene i druge odgovornosti i dužnosti utvrđene u Kaznenim zakonima Bosne i Hercegovine.

Izjavu dao :

\_\_\_\_\_  
Mjesto i datum davanja izjave:

\_\_\_\_\_  
Potpis i pečat nadležnog organa: